

婁縣續志卷九

祠祀志

前志祠祀一篇凡秩祀私祀以及僧廬道觀彙而志之非雜也祀列春秋者固昭崇德報功之典而一祠之立一廟之興前志所謂義異妖淫不妨連類誌之也惟經兵燹後大半傾圮茲將前志所載逐一考核興廢並補摭前志所遺佚而備詳焉志祠祀

祀典

社稷壇在通

外一里華亭界即府社稷壇華亭婁

二縣統祭

此凡垣墼神廚神庫牲所齋舍咸豐十

年毀於兵

每屆春秋仲月上戌日權在府城隍廟內設立致祭焉

婁縣續志

卷九

祠祀

一

風雲雷雨山川城隍壇在集仙門外官紹塘側松江府

及華亭

縣統祭於此凡神厨神位咸豐十年毀

於兵

每屆仲月吉日權在縣城隍廟內設位致祭焉

先農壇在集仙門外官紹塘側凡神厨東房西房祭器

農具咸豐十年毀於兵

每屆仲春亥日權在縣城隍廟內致祭焉

文廟

崇聖祠

名宦祠

鄉賢祠

忠義孝悌祠

三賢祠

以上均詳學校

關帝廟在縣治南華亭界詳前志

案關帝向列羣祀咸豐三年國子監司業保極奏請

升入中祀自四年春祭為始禮節悉如帝王廟樂用

六成舞用八佾春秋諏日致祭五月十三神誕日告
祭不作樂不徹饌供品用鹿兔果酒其佾生一項順
天府府丞兼學政張鑠奏由學政考取外准由本籍
俊秀報捐服用起花銀頂

恭錄 欽頒樂章祝文

樂章 迎 神奏格平之章 懿鑠兮焜煌威靈兮
赫八方偉烈昭兮累禩祀事明兮永光達精誠兮黍
稷馨香儼如在今洋洋 初獻奏翊平之章 英風
颯兮神格 綺蓋兮龍旂 欒桂醕兮盈卮香始升
兮明粢惟 鑒兮在茲流景祚兮翊昌時 亞獻奏
恢平之章 觴再酌兮告虔舞千戚兮合宮懸歆苾

婁縣續志

卷九

祠祀

一一

芬兮潔蠲扇巍顯翼兮神功宣 終獻奏靖平之章

鬱鬯

申羅籩簋兮畢陳儀卒度兮肅明裡神

降福兮宜人 徹饌奏彝平之章 物維備兮

咸有明德維馨兮神其受告徹兮禮終罔咎佑我邦

家兮孔厚 送 神奏康平之章 幢葆葳蕤兮神

聿歸馭鳳軫兮驂虬駢降網緼兮餘酌醑願回靈盼

兮德洽明威 其二望燎奏康平之章 焜蒿烈兮

燎有輝神光遙燭兮祥雲霏祭受福兮茂典無違度

揚駿烈兮永奠疆畿

春秋祝文 惟 神星日英靈乾坤正氣允文允武

紹聖學於千秋至大至剛顯神威於六合仰聲靈之

赫濯崇禮典於馨香茲際仲秋春用昭時享惟祈昭格

克鑒精虔

五月十三日告祭 惟 神九寓承庥兩儀合撰崧

生嶽降溯誕聖之靈辰日午天中屆恢台之令序聰

明正直壹者也千秋徵膺饗之隆盛德大業至矣哉

六幕肅馨香之薦爰循懋典式展明禋芬苾時陳精

誠降格

關帝廟後殿祀帝曾祖光昭王祖裕昌王父成忠王

案帝先代 年特封公爵咸豐五年經太常寺

奏准帝已 人中祀其先代應照文廟崇聖祠禮特

加封曾祖光昭王祖裕昌王父成忠王並 頒春秋

婁縣續志

卷九

祠祀

三

及五月十三日祭文

春秋祭 惟 王世澤覃庥令儀裕後靈鍾河嶽

篤生神武 誠溯淵源宜切尊崇之報班爵超躬

桓而上升香肅俎豆之陳茲際仲春秋爰修祀事尚祈

昭鑒式此苾芬

五月十三日告祭 惟 王迪德承家累仁昌後崧

生嶽降識敏聖之有基本本水源宜推恩之及遠封

爵特超於五等馨香永薦於千秋際仲夏之屆時命

禮官而將事惟祈昭格鑒此精虔

別廟

一在倉城內一在雲間遞運所名三義廟一在白龍潭一在大張涇橋一在金沙灘一在西門

外塔

以上今俱圯

一在西門外富家街一在楓涇鎮向有廟田四十六畝零同治八年

以廟傍田八畝零捐入義塚現實存田三十八畝零
一在泗涇鎮里人馬溥有記咸豐三年里人陸慶堯
建後殿同治三年里人許容發重修後殿及大門廟
前憲立禁止私宰碑文一在七寶鎮主事徐三重
重修一在三十四圖俗名關爺基日久坍塌同治初
年移裡五舍雲隱菴殿宇改建一在大倉橋一在洙
橋鎮其見諸冊報者三保二十圖廿四圖廿五圖廿
八圖四十一保廿五圖四十四圖三十七保十六圖廿

以上今俱存

文帝廟在縣治南華亭界與華亭縣同

案文昌帝君嘉慶六年列入羣祀春祭定二月初三
日秋祭諏吉咸豐六年特旨升入中祀樂奏六成
舞用六佾禮節均同文廟改三月初三日神誕
爲告祭春亦用諏日

恭錄 欽頒樂章祝文 迎 神奏丕平之章 秉

婁縣續志

卷九

祠祀

四

氣兮靈躔翊文運兮赫中天蜺旌兮戾至雕俎兮告
虔迓 於萬斯年 初獻奏俶平之章 神之
來兮篚篚 神之格兮几筵式親極昭彰兮靈貺
致蠲潔兮明裡升香兮伊始居歆兮佑我人民 亞
獻奏煥平之章 再酌兮瑤觴燦爛兮庭燎之光申
虔禱兮神座儼陟降兮帝旁粢醴潔兮齋肅將綏景
運兮靈長 終獻奏煜平之章 禮成三獻兮樂奏
三終覃敷元化兮繫神功馨香達兮膺蠻通歆明德
兮昭察寅衷 徹饌奏懿平之章 備物兮惟時告
徹兮終禮儀神悅懌兮監在茲垂鴻佑兮累洽重熙
送 神奏蔚平之章 神之歸兮天路遙瞻翠葆兮

企丹霄願回靈眷兮福我朝 其二望燎奏蔚平之
章 網緼降兮元氣和神光燭兮梓潼之阿化成耆
定兮囊弓戢戈文治光兮受福則那

春秋祝文 惟 神道闡苞符性敦孝友並生並育
德侔天地以同流乃聖乃神教炳日星而大顯仰監
觀之有赫示明德之維馨茲當仲秋春用昭時享惟祈
歆格克鑒精虔

二月初三日告祭 惟 神功參橐籥撰合乾坤溯
誕降之靈 台紀瑞慶中和之令節九宇承暉若
日月之有 明闡大義於孝友如天地無不覆載感
至治於馨香爰舉上儀 陳芳薦精裡罔斃神鑒式

婁縣續志

卷九

祠祀

五

臨

文帝先代 在文帝殿之左

春秋祝文 文昌帝君先代祭引先河之義禮
崇反本之思矧夫世德彌光延賞斯及祥鍾累代炯
列宿之精靈化被千秋爲人文之主宰是尊後殿用
答前庥茲屆仲秋春肅將時事用申告潔神其格歆
二月初三日告祭 惟 文昌帝君先代道備中和
神超亭毒稟詒謀而克紹欽毓聖之有基雲漢昭回
際嶽降崧生之會馨香感格興水源木本之思式肇
明裡用光彝典尚祈神鑒享此清芬
同治十年知府楊永杰重修

天后宮在西門外白龍潭北

詳前志

道光十五年知縣毛

應觀重修二十五年福建興化府衆商捐修廟側有
菴向作福建會館

案神係福建莆田林氏女父名願官都巡檢母王氏
生於宋建隆元年三月二十三日雍熙四年九月九
日昇化時顯靈異護庇海舟始封靈惠夫人宣和五
年敕爲神賜號順濟建廟莆田元至元間敕封爲護
國明著天妃明洪武永樂間兩加封號 國朝康熙
十九年 護國庇民妙靈昭應宏仁普濟天妃
廟祀莆田 十三年 加封天后雍正十三年定
制秩祀乾隆二年 加封福佑羣生二十二年 加

婁縣續志

卷九

祠祀

六

封誠感咸孚五十二年 加封顯神贊順於福建莆
田湄洲 惠濟祠及海濱各邑一體編祭嘉慶五
年 詔於 神廟 加封垂慈篤祐道光六年試
行海運告竣因神默佑 加封安瀾利運十九年
冊封琉球顯應 加封澤覃海宇二十八年海運告
竣 加封恬波宣惠咸豐三年 加封導流衍慶
又案嘉慶六年 詔封神父爲積慶公神母爲積慶
公夫人凡建廟秩祀處咸立後殿致祭道光二十三
年夷務顯應 加封神父母衍澤二字
別廟在四十一保下四圖今圯

龍王廟在西門外白龍潭西禪寺右偏

詳前志

咸豐五年

知府薛煥重修

別廟在楓涇鎮東柵外石堰上

風神廟即在龍王廟內咸豐十年知府金安瀾重修

火神廟在縣治西南華亭界與華亭同

別廟一在西門外裡館驛西側同治元年毀於兵
一在裡館驛內光緒三年五月廿三毀於兵

劉猛將軍祠向在集仙門外咸豐七年七月 敕加保

康號今祠圯每逢致祭日期權在縣城隍廟內行禮

案禮部則例載神劉姓名承忠元時官指揮能驅蝗

元亡自沈 世稱劉猛將軍 國朝雍正二年

詔各直省 州縣均立廟致祭 大清會典通禮皆

同前志作劉銳為劉 弟誤

婁縣續志

卷九

祠祀

七

別廟一在三保廿一圖一在三保廿三圖一在
四十一保廿八圖一在四十一保廿九圖

節孝祠光緒 年諸後裔集捐重修邑人庠吉士張弔

杰有記

錢司寇祠向在集仙門外普濟橋今移在普照寺南崇

文義學內華亭界

二陸祠在崑山元劉子青有記載前志今圯

五先生祠在千山祀晉陸機陸雲元楊維禎錢維善陸

居仁明董宜陽有記
載府志今圯

錢太史祠在西門外祀明修撰錢福今圯

周學憲祠在周家藻祀明提學副使周思兼今圯許維
新有周先

生有道詩
載府志

吳太僕祠在集仙門外祀明太僕寺少卿吳炯今圯

杜公祠在壓鞮浜祀浙江右布政使杜喬林國朝郡人楊瑄有

記載前志今圯

夏忠靖祠在崑山祀明戶部尚書夏原吉今圯

方公祠在橫雲山祀明郡守方岳貢今圯

李公祠在西門外水次倉明崇禎間推官李瑞和治漕

有惠政郡人立祠祀之今圯

陸文定祠在白龍潭興福寺左祀明禮部尚書陸樹聲

今見賢堂餘屋俱圯

陳夏二公祠 西門外蓮溪道院西偏金剛菴故址同

治八年知縣金福曾倡捐撥款改建祀明刑部侍郎

婁縣續志

卷九

祠祀

八

陳忠裕子龍吏部考功司夏忠節允彝祔祀考功子

中書舍 忠愍完淳并撥貝多菴四十三保上四十三

圖田三十五 一分參釐五毫正租十八石壹斗 作為

每年修理墳墓祭祀歲修祠宇之費立有成案由地

方紳士公選一人經理

姚椿撰迎送神曲 天光兮地晶神之心兮三辰明

江波兮渺渺吾與子兮偕行故鄉淒兮舉目山川繚

兮城郭幸太平兮克諧吾何間兮幽寔田禾茂茂兮

河水瀾瀾小民有知兮簫鼓賽祀惟忠惟孝兮萬禳

弗敵神其如在今聿告來世 撞長戈兮執采筆乘

雲挾風兮意氣橫逸招我儔侶兮中道曷歸鸞鵠竦

時兮夾鳳以飛苟予衷之靡愼兮又何名與後之可
幾肴蒸兮醴漿神之依兮樂康嗟混濁兮世所惡慕
潔清兮君之堂

陳公祠在西門外西塔街底舊王氏秀甲園址祀江南
提督謚忠愍陳化成道光壬寅公禦敵吳松口死事
奉 詔就死事地方建立專祠邑人朱文璇稟請購
園基改建嗣於咸豐六年邑人王釗又廣為募捐數
既鉅因將殿庭屋宇擴而充之園之東作祠宇園之
西得許氏廳樓數十間作普仁堂公所更置田畝為
卹嫠惜字 舉之費同治元年祠殿燬於兵園中
軒閣日漸傾圯園西廳樓數十間尚完善今王釗之

婁縣續志

卷九

祠祀

九

子蕊蓀居焉

卞公祠在陳 祠之左祀知縣卞乃譚咸豐庚申五月
十三日禦 戕 詔以知府例賜卹准就死事地
方建立專祠同治八年知縣金福曾建

祠廟

城隍廟在府城隍廟西嘉慶十八年知縣萬臺重修咸
豐十年頭門戲臺燬於兵

別廟

許一在楓涇鎮咸豐十年毀於兵同治四年紳士
辰在珠等集捐重建光緒元年一在
塘橋鎮圖方在城隍村元一在短浜口一在
二保一圖家罇同治元一於兵八年重建
十一在沈巷鎮有廟田五畝市房五間
一在保廿一圖廟一在保廿八圖一在千
山上一在保廿一圖廟一在保廿八圖一在
泗涇鎮一在崑山鎮保廿四圖寶鎮一在四十一

土地祠在縣署儀門左同治七年知縣趙元昂重修光緒三年知縣程其珏加修

倉王廟在倉城內歲以開倉日致祭向與華奉二縣共之自漕米改海運後奉賢不與焉

別廟 在西新坊圖戚家街內舊為華光廟嘉慶十四年里人改建今廢

旗纛廟在南演武場今圯

馬王廟向在華界西內一圖咸豐十年燬於兵光緒三年提中營 朱國祥經勸移建集仙門內坐化菴

東側

西城隍廟在大倉橋西倉橋街內道光二十六年里人

婁縣續志

卷九

祠祀

十

徐重威等倡捐勸募重建殿宇廊廡稟請知府練廷璜諭示每 清明中元十月朔三節出巡四郊賑濟

無祀孤魂

東嶽行宮在西門外大街 詳前志 道光三年里人邱鑑募

捐重修頭門戲臺大殿寢宮兩廡十王殿同治元年戲臺毀於兵楊候神祠道光十六年里人印若金等

募建二堂

別廟 一在干山元大德八年山民潘顯建今圯一在泗涇鎮南放生橋一在楓涇鎮今圯

楊侯別廟 一在泗涇鎮南放生橋一在楓涇鎮今圯

家貧祈夢於神夢神賜長髮果有長髮漸裕因

偕里人顏顯忠秦增賜重修廟宇道光九年里人楊

綬改建正殿楊用謙繼修兵燹後經

楊用謙修理知縣張澤仁捐廉塑像

護糧王廟在西門外谷陽橋左雍正十二年建嘉慶十

八年里人重建咸豐十年燬於兵

別廟

一在包家橋名保嬰閣舊時只有一閣自道光年間里人張朝贊倡捐集貲購地建造大殿寢

宮每年三月二十六日出巡東郊二十八日同殿導

從極盛一在祭江亭一在楓涇鎮城外新橋三十家埭

鎮海侯廟在西塔街內黃家潭建造詳前志道光廿八

年僧勝琳重修大殿建僧舍同治八年木匠張掌興

獨建二堂

張木匠因兩次患癰疽百藥罔效禱神而愈爰建堂以酬愿焉

別廟

一在楓經鎮海慧寺側光緒元年重建大堂頭門一在龍潭西禪寺後同治五年重修一在

干山鎮北咸豐十年燬於兵光緒元年里人重建

痧神廟在西塔街內詳前志同治六年道士如山募建後

婁縣續志

卷九

祠祀

十一

殿寢宮

劉郡王廟在 嶽行宮內同治九年里人重修

案神姓劉名 字仲堰其先京兆人十二世祖名翹

後唐清泰中官建州因家崇安王第進士由豐城尉

遷轉運使攝鄜延帥出奇兵平西夏還拜徽猷閣待

制知越州請蠲中宮租敗方臘拜述古殿學士除河

北河東宣撫參謀知正定改知建州加延康殿學士

復守正定單騎招平柴宏禦金人有功欽宗朝拜資

政學士為宣撫副使援太原九戰皆捷金人併力禦

之以眾寡不敵潰召入命守京城會有沮之者不果

徽欽北狩奉命使金不屈死建炎初贈資政殿大學

士謚忠顯前明洪武中以神精忠報國抗節殉難神
長子右諫議知鎮江府名子羽次子朝奉郎直秘閣
名子翼一家孝友異代忠良敕封東嶽攝政侯護國
山川節度使今以三月廿八日村農祈賽香火極盛
焉

李塔明王廟在西門外聚奎里蘇州府志云吳江昭靈
侯廟舊經云先天二年奉敕立祠於松江梁開平二
年封昭靈侯廟食十有二所或號曹王或號李明王
今府境修 稱李塔明王界則所祀曹王明也府志
大樹大王廟 西門外澤潤橋西同治五年里人張以
恆等募捐重建

婁縣續志

卷九

祠祀

十一

白沃廟在東門外北俞塘上詳前志

高不賽八 十五日過白沃廟詩 故事俞塘北相
傳賽使君管 逢素節祠屋敞斜曛駐馬神如在爲
魚勢稍分只今柘湖畔水盡復塵氛

龜蛇廟在集仙門外濠上今圯明張璠重修
記載府志

白馬三郎廟在秀野橋北今圯

鄂王廟在西門外延恩巷口俗呼寺
基街 祀宋岳忠武王飛

咸豐十年燬於兵

別廟在超果寺東
金沙灘今圯

金龍四大王廟在西門外倉橋南明萬曆間郡人徐肇
台建府志云秋谷雜記載王姓謝名緒錢塘安溪里

人籍會稽諸生晉太傅安之裔也宋末隱苕溪及帝昺亡赴溪死土人立廟金龍山明太祖與蠻子海牙戰於呂梁洪失利風濤忽捲河水爲之北注海牙大敗太祖夢神告之曰臣謝緒也驚寤遂封王爲黃河神其後擁護漕河屢著靈異天啟時敕封濟運金龍四大王蓋王有三兄曰綱曰紀曰統王序在四金龍則其立廟之山也今廟圯

別廟

在白龍潭登龍橋下同
治十三年里人重修

真武廟在縣

北九里亭俗名真聖堂今圯

小武當在泗

鎮詳前志

道光二十四年里人沈鏃秦宏

本楊師廉募捐重修廟右爲文昌閣又經師廉等鳩

婁縣續志

卷九

祠祀

十三

貲改建吳江沈曰富有記監生張觀瀾倡議集捐田百畝永充 涇會文經費

聖母宮俗名 廟

在花家漣卽前志所載碧霞元君

晏公廟在楓涇鎮明里人沈某建歲久傾圯道光二十年重建咸豐十年燬於兵同治十二年沈王佐等集貲公建

案宋史公名敦復字景初江西撫州人元獻曾孫也官左司諫退居卒年七十一江西通志封臨淄侯立廟在饒州府路史公名戍仔元時爲文錦堂局長登舟尸解明洪武初封平浪侯七修類稿神助明太祖

破張士誠兵於常州並助築海塘因封之海疆諸郡
縣遂廟祀焉

文昌閣在楓涇東柵乾隆年紳士沈步垣等建同治二
年燬於兵十一年沈王佐等以觀音殿廢址改建

葛仙翁廟在寺基後咸豐四年業染者鳩貲修建今
爲染業公所并附金陵殯房均有碑記勒石

三神廟在錢涇橋北郡城各業整規每演戲於此

元壇廟在白龍潭西青松石同治五年里人募捐修建
祭江亭卽古廷恩院咸豐十年燬於兵邑人馮頤昌等
倡捐勸募 建殿宇內供護糧王每年四月十八日
出巡東郊

婁縣續志

卷九

祠祀

十四

聚慶菴俗名酌水廟在縣治西北沈涇塘九里亭西供
曹年明王 是浜卽曹年浜俗呼潮裏浜廟前有渡
船名聚慶渡

都巡司廟在一保九圖珍字圩俗呼王老相公廟每逢
十月朔鄉人報賽極盛

野三官堂在西門外景家堰南內供華陀神像

星主殿在西門外斜橋浜

呂祖廟在東門外城濠上同治元年燬於兵光緒元年
邑人唐耕雲之母何氏捐建

別廟在泗涇鎮

里人馬潮有遊仙觀重
奉呂祖記勒石嵌壁

賈莊廟在倉四圖陳陀橋兵燹後坍廢光緒元年里人

楊達等募建二楹

石湖界廟在四十一保張村浜今存

顧司徒廟在三十五保十九圖

財神廟在西門外聚奎里同治四年里人重修八年里

人集貲又修一在倉七圖橫街今圯

寺院

超果講寺在西門外大門臨瑁湖橋詳載府志跨寺有

石橋一覽樓雨華堂鴛鴦殿禪堂均尚存道光一十

六年僧普信募修大悲閣光緒二年僧普信又改建

其餘前志載者俱廢

西林禪寺在西門外慶雲橋北詳前志嘉慶三年僧巨川

婁縣續志

卷九

祠祀

十五

募修毘盧閣未竟中止十一年主僧寄亭始續成之

十七年重山門道光二十年僧柏貞募修圓應塔

二十二年大雄殿廢於火同治元年方丈僧寮燬於

兵四年僧普信募建方丈光緒三年僧海洲重建山

門明錢福毘盧閣記載前志方丈古松兩株今存學博王芑孫有詩

西禪寺在西門外白龍潭上宋嘉定時建端平間賜額

西禪興福寺

按前志所載藏經閣關帝殿生生閣萬佛閣明陸彥章有登

龍潭佛閣詩聽雷堂係明南安太守張弼讀書之所子宏至有詩俱圯金剛殿

彌勒殿今存大雄寶殿同治九年僧燬悟募修方丈禪房同治元

年燬於兵十年僧燬悟改建在大雄殿側三藥殿光

緒元年僧燮悟建

龍門寺在集仙門內長生橋南

按前志所載聽雪軒大悲閣

今

海雲堂及僧寮

今

欽善有龍門寺補種杉木記

松無杉種樹者謂非

土所宜而龍門寺楊廉夫手植杉豎數尋橫半畝自元至今四百年乾隆辛丑颶風拔僧果明扶植之梢擢枯立冀有萌焉又十年自仆其材逾抱鋸削繩墨之爲供佛法器數十果明傷三朝舊迹之自我隕也購諸越山得一株補之長不三尺未十年高且二丈矣地不宜 而此獨宜之異氣所鍾以人耶以寺耶補杉者不得以自名仍以廉夫名計今滴翠凌虛勢

婁縣續志

卷九

祠祀

十六

又可四百年自古高世不偶之客結緣於緇流勝地者多矣庚 癸丑間余亦嘗寄寓於寺有施道人語予杉未拔時有跛足老翁來憩焉仰指曰木去寺衰木來寺旺未幾杉枯寺竟衰老翁異人也木今來矣嘉慶癸酉八月重治聽雪軒書而記之藏石於垣

妙嚴教寺在西門外東嶽廟之東

詳載府志

嘉慶四年風雨

大殿傾圮咸豐四年里人公建毘盧閣是年卽圮於

風

廣化寺在超果寺西北

按前志所載法林堂安禪室普光閣明靜軒

今

大雄

殿蛇王殿

今

存

清河禪院在莫家街西

福田寺在泃濱今存僧寮三間餘圯東南隅大銀杏一株尚存

圓智教寺在干山

按前志所載雙松雲泉松月諸堂廢今梵香堂潮音堂

護珠寶塔竹樓房存今

上峯禪寺在干山咸豐十年燬於兵今大殿存大士銅像亦已剝落

海慧教寺在楓涇宋時建祀姚廷睿為伽藍神寺有水

波壁留春 清進閣轉藏殿久廢金沙灘圓田滙留

慶河八角井今亦廢宋陳舜俞作經藏記畧載前志

婁縣續志

卷九

祠祀

十七

國朝康熙年重葺自山門至大殿凡四層方丈禪堂各

一僧房四 為楓涇第一山咸豐十年燬於兵同治

十三年重建地藏殿光緒二年重建三官堂

留春亭

僧德葵有詩楊次公詩載府志

精進閣

僧德葵詩載府志

同治四年僧眞通將閣址改建平

廳

寶藏禪寺在海慧寺西俗呼北聖堂咸豐十年燬於兵

同治年間重建

白蓮寺在楓涇鄉一保十八圖白蓮缺宋紹興年建二

十六年賜額釋居簡有記

國朝康熙四十五年重修同治元年燬於兵四年重建

山門

資福寺在塘橋鎮今圯

積慶禪寺本名坐化庵在集仙門內與龍門寺相望

詳前

志嘉慶十四年參將周永德率屬重修

南七寶寺在七寶鎮元至正中建後易名聖堂中有如來鐵像今廢

大慈寺在北錢市元僧受建

普甯寺一名黃耳祠在四十保八圖寺西北隅有黃耳

塚今尚在宋慶元六年尼如湛建

見府志

明何良俊重修記 普甯尼寺者在府治南七里旁

有晉陸氏黃耳塚今殿後西北隅有土隆起二古木

婁縣續志

卷九

祠祀

十八

盤覆其上者卽其處也人因呼黃耳祠俗遂呼爲黃泥寺故有 咸淳中燬不存余按傳錄本寺創建於宋慶元間有女師諱如湛號渾源湖州王家女母曾氏持奉圓通大士後生師在襁褓間卽能道圓通品中語隨父防禦佐金陵戎幕遂落髮於清涼寺尼僧智元所能通華嚴元覺法華諸大部經銳志參訪至華亭禮船子塔時安康郡夫人號普明居士者與無住居住二人留心大乘得師談論洞明心印郡中適寂照院虛席請師開堂師一日與二居士泛舟城南至蓮花蕩見水天交接師指之曰此地塵迹不到可建立梵剎卽鳩工車庠果得神龍窟穴遂定其興建

檀施雲集不數月而寺告成碑所載開山之迹如此
今寺旁一望皆平陸不復有水天交接之處而碑中
亦不載黃耳事然予三十年前曾一至其地見頽垣
傾棟之間有袁海叟詩卽豢養有恩終不背交游何
事獨相欺至今膾炙人口者是也余猶憶有朱鳳山
詩今已忘之然大率皆詠黃耳事則其旁爲黃耳塚
無疑余今年春與董太學子元顧隱君子登弔古城
南因至其地見殿宇完整詢之則尼寺道權所修建
也中爲正殿三楹次而兩翼其旁爲側室各兩楹前
爲門廡右 居宇庖湏寢室皆具竹樹靜深儼然一
名刹也二君曰此華亭一勝處公當記之嗚呼三吳
富貴之家遠延土石役萬夫以構第宅營塚墓者何
限然未百 而羊頭傾倚於蔓草之中墓已犁爲田
者比比然也其第宅或子孫不克堂構則不數年而
幾易主其視此何如夫自晉迄今千二百餘年而黃
耳塚巋然獨存普甯一尼寺耳當垂廢之餘而又有
道權振復之是亦豈偶然哉蓋寺賴名迹以永存此
塚亦託之寺而不齟齬於牧樵之手謂天不有意乎
物類亦知有義以人質之不能無愧則天豈不欲祐
之而使之長不朽於宇宙之間耶是不可以不記乃
書之於石以告來者

延恩古院在雲間第一橋西遷延恩報德院舊額而名

詳前志 院前舊有祭江亭今圯

華藏懺院在槐安坊內元僧融照建今圯元鄧文原有記畧載府志

澄照禪院在泃中詳前志今殿閣寶塔俱存

國朝順治十六年知府祖永勳捐修乾隆五年里人楊

文龍建大雄殿置香火田中允黃之雋有記載府志道光初年僧

三覺倡建禪堂咸豐二年僧普信募修李塔并建客

堂數楹及寺旁租房三十間同治十一年里人俞業

經等集捐重修

度吉士仇炳台重修李塔延壽寺記 吾婁李塔延

壽寺在縣 西南之二十七圖剎自宋嘉定間迄今

垂五六百年殿宇之莊嚴塔座之巋聳雖不足與叢

婁縣續志

卷九

祠祀

二十一

林名刹爭勝而自橫泃達浦南折而東浙水亦西滙於此凡夫 楫帆檣過客往來咸視浮圖爲彼岸荒江寂寞漸成鎮市不可謂非佛力也歷代以來屢有興廢乾隆五年黃中允之雋記蓋詳言之矣至咸豐初傾圯如故向供佛像日炙雨淋金碧黯澹寺僧皆餐風宿露而頽垣榛莽幾不復可收拾於是善男子俞業經光謙胡來儀張汝銓黃大受大義等延請普信和尚卓錫於茲和尚智慧警敏法力宏深慨然以修廢舉墜爲已任禮佛誦經苦行圓滿十方信士皆大歡喜捨貲相助應鉢而來爰自山門大殿寶塔方丈以及寮房之屬椽桷瓦甃次第咸備聿觀厥成迺

施紺碧崇飾偉觀昔之視爲江浙通津者復集於此
寺前長三里河設立慈航以渡行旅僧徒既衆爰析
其居迺立齋名曰眞靜曰澄漪曰廣濟曰妙悟置田
若干畝以贍香火洵乎天人交贊功德無量矣夫以
佛道崇虛非有修廢舉墜之責乃或高爵厚祿坐鎮
優游而於利弊所在輒憚其勞莫之一顧獨如此僧
者堅持道力毅然不同孰謂彼教中眞清淨無爲耶
風日清暇每與二三同志放舟浦濱至僧寮話茗或
登塔巔挹柳峯之勝念普信之功德弗衰因濡筆而
爲之記是也構材役工若干置產若干泐諸碑陰
俾後人有所考證云

婁縣續志

卷九

祠祀

二十一

泗洲塔院在崑山之巔宋時建

按前志明宏治年建觀音殿嘉靖年建眞武殿又建

西方殿隆慶年建三聖閣

今俱

萬厯年建藏經閣

相傳

廢於
火

聖祖仁皇帝南巡

御書奎光燭昞四字額

今存

寺後慈雨塔

久圯

同治年間僧

天許募建僧寮數間

明題

王世貞泗洲塔院詩夏完淳
崑山水殿詩載前志陸樹聲

重修塔院記
畧載府志

谷水道院在西門外谷水坊

詳前志

府志云湖之中有來

鶴亭東雲所

國朝康熙中道士趙熙明建三茅堂 莊親王賜得一

以盈額乾隆五年道士王聲萬建斗姆閣九年重修大殿

沈大成記 谷水道院在府城西陸瑁湖之上考傳記三泖出華亭谷曰谷水院去泖也遠而假以名豈當時井邑荒落煙水瀾漫其波光雲影若與泖接而因以名之耶今則環院之左右皆民居陸瑁湖之流久塞欲尋其故址而已失宋寶慶二年道士陸景微實創是院及

國朝康熙十年住持趙熙明始構三茅堂至乾隆五年住持王聲 始起斗姥閣又九年重修大殿又二年因拓兩廡他若棲客之房養靜之室與夫庖廩牆垣

婁縣續志

卷九

祠祀

二十一

之屬皆以次而理糜白金三千兩有奇皆出於聲萬而助者僅二百緡又以餘力置田二百餘畝以贍其徒云余祖居密邇往來院中其師趙臨谷每引余周行輒歎曰院將壞數募而無應吾觀諸弟子惟聲萬可屬以院事度其復興有曰乎聲萬受正一符籙學禹步飛行考召之術請雨治魅多驗以是其道曰行節縮所入而營繕之蓋積二十歲而克如其志其師可謂知人矣自宋理宗寶慶丙戌至今乾隆丙戌五百餘年當時之故家右姓與夫高門大閥名園芳榭不知湮沒凡幾而此院巋然獨存乃知富貴重赫不若山野方外之爲而梵宇琳宮之廢興亦繫其人之

有無也聲萬名雋望余幼同童子師相從嬉戲回憶
猶昨而今俱成老秃翁矣春暮歸自廣陵聲萬礮石
以請遂記之

東雲所

明錢福東雲道士歌 禹步蹴震垣青雲翳雙履鏗
然一鼓萬物茁東華親授生生理騎龍握參先太陽
扶搖倏忽幾萬里爾乃鳧翮折暫落滄溟涖滄溟荒
斥弗可卽日夕枕漱西湖水崑山北谷有水瑩無滓
別號西湖無乃是水以北爲陽斯言亦奇旨雲耶水
耶泊乎相遭兩兩總無心南北東西亦奚異谷之陽
雲之東坐看雲起行水窮飄然獨得誰能從綠波不

婁縣續志

卷九

祠祀

二十二

釣尚書魚紅雲常護仙人宮逍遙步明月徙倚臨清
風移石放舟尚礙雲根動斷苓自飯操畚縮恧憐長
松青牛出關去不返水雲深處鶴髮頽皤翁近聞天
亦私古傳道至公滯君小住三百載且莫掉首思凌
空候余養就餐玉法把袂閭闔談參同

來鶴亭

明錢福詩 放鶴亭前來鶴亭自來自放幾時停道
人莫跨入雲去且坐亭中默誦經

長春道院在集仙門內今圯

元浮梁楊載有記 王逢
題長春道院桂風子與朱

貞一真人詩
俱載府志

朝元道院在泖口元大德間道士陸景真建

朝真道院在干山之陽咸豐十年燬於兵今改建道房
數間

祐聖道院在縣治東北葛家渡元至正間道士陸守光
建今廢

太素道院在集仙門外元至正九年邑人劉維一入道
時所建南瞰瓜涇林木幽蔚宛在人外中有端坐全
真之所曰雲巢故號雲巢子楊維楨錢惟一周之翰
日往游焉今廢

修真道院在干山頂今圯
蓮溪道院在西門外蓮溪東

按前志所載康熙十四年建三元殿存今斗姥文昌二

婁縣續志

卷九

祠祀

二十四

閣同治元年燬於兵

機山道院一名悟真道院咸豐十年燬於兵同治五年
重建

斗姥閣在橫雲山頂同治五年里人重建

小普陀禪院在泗涇鎮創自明萬曆辛卯相傳大士銅
像肩際有金釵印隱隱尚存背上著明萬曆甲午仲
春檀越徐承恩等造成豐十年經兵燹後大兵駐紮
於此大半蹂躪僧果鏞出貲獨力修葺光緒三年春
又將廢址四面繚以垣

石湖道院在石湖塘鎮今存

梧桐禪院在楓涇鄉一保四五圖卽古吳廟相傳孫吳

時建

國朝咸豐十年燬於兵同治九年里人重建

巢林道院在楓涇鄉一保十一圖萋涇村明萬曆丙辰

玉虛觀道士張可靜好修真養性遂自置基地構造

此院爲棲真之所大殿供奉斗真聖像及諸聖帝像

院左有存眞堂精思閣並有十老人偕隱於此

向有十老

圖今已軼 歲久傾圮

國朝同治年道士孫久傳重建大殿山門

問俗道院卽宋時問俗亭故址在雲間第一橋南內有

關神殿三元宮斗姥閣東偏道房宏敞清漪一曲綠

竹四圍蔚然深秀望若仙宮

婁縣續志

卷九

祠祀

二十五

秀溪道院在倉七圖今改建痘神廟

菴觀

示應菴在西門外白龍潭東北

詳前志

同治十三年僧普

信重建寮房

賜子定光菴在白龍潭西釋古月建今圮

古蘭若在西門外五里許張涇側古鍊笛和尚舊址明

萬曆間僧瑞庵草創未竣其徒三無拓而新之今圮

明徑山雪嶠圓信題 予覽傳燈錄有鍊笛和尚甚

奇怪將滅度泛一缶於江流復吹鍊笛從容奄化水

中次日居民覓之全身跣跌浦上偶過華亭古蘭若

卽鍊笛之故址三無築室棲止焉豈非鍊笛之兒孫

故叙數言以闡其蹟 又題蘭若刺桐花云生平不受讚歎只喜人來琢磨翦去一身毛病便能異出藤蘿春添幾許顏色蜂蝶來往何多風雨打落一場懨懨

蘆隱菴在白龍潭北

寶林菴在包家橋北今圯

直指菴在西門外花園浜今存

芟蘆室在雲間第一橋西南江家浜上傍有不香菴相傳爲船子和尙曝簑處今俱廢

茶菴在集仙門外普濟橋詳前志同治八年僧綱松琴建

造客堂八楹

婁縣續志

卷九

祠祀

二十六

葦菴在集仙門外濠上今廢

國朝高不騫詩 籬落門仍迴城隅徑不凡翠筠千箇繞白水半規銜結宇傳張翥分燈從笑巖一花五葉後此種莫能芟

貝多菴在雲間第一橋西枕陸家浜明萬厯間僧海淨重建李凌雲有記咸豐十年燬於兵菴田計十八畝九分五厘五毫經知縣金福曾撥作夏忠節公墓田潮梵菴在雲間第一橋南又名小普陀僧眞林建光緒元年大殿後廢於火

菴西南隅立建石塘記褚一心撰 凡善事之建立也出貲財自經理聿觀厥成已足高矣其人已往僅

以財託之於人而事卒闕一緒尤見善緣之同焉雲

間第一橋南自小普陀至石河橋向祇泥塘綿亘六

里許爲往來所必經霜晨雨夕行者咸苦之婁西鄉

丈唐叟以傭作餘資素敦善行以家濱吉陽二石橋

及祭江亭大殿均獨力修造遂厥志矣顧善量無量

爲善之志老而彌篤疾亟時傾囊中金闕二餘兩屬

同里卞觀鵬范一清莊梅莊濟棟諸君築建石塘固

早知任所託者闕一之不有負也文甯俟鳩工庀

材量入爲出事乃事心乃心務善要於成終闕一財

餘於用始歎闕一好攸同爲人謀而必忠乎唐叟旣

歿無嗣而受託諸君皆踴躍從事刻期竣工俾石徑

婁縣續志

卷九

祠祀

二十七

迢迢與波面彩虹雲中古刹同勝果之成地下有知
應亦大慰蓋立善之與成善均足多焉此邑侯李公
所以嘉其樂善不倦亟命建碑垂久并爲世之向善
者勸也嗚呼荒菴西去野渡東來綠壤南旋清流北
繞往來行人莫不德之爰叙始末勒二石於塘以誌
不朽時乾隆三十七年歲次壬申十一月日立

祥澤菴在塘橋鎮東北一名祥烏澤今存

梵香林在楓涇鎮東里人王無欲捨宅爲菴華亭董其

昌題額咸豐十年燬於兵

王無欲碑記畧曰梵香林自順治六年擇地經營之

始友人尤元章何君泰輩協力共襄不日告竣地藏

右側立我生像與常在祠一體並垂并勒諸石

南宗僧梵林十景詠

碧泛亭

山亭臨水際倒影入空明竹寫一窗翠松傳萬壑聲
遙天雲外見皎月鏡中生卽有魚龍混終能徹底清
雙桂軒

雙桂亭亭立山窗寂寂開境同秋共冷香與月俱來
交幹攢金粟重陰覆碧苔一椽聊寄跡漫作小山猜
鑑古閣

禪餘誰共對閣有古人書開卷千秋在澄心一點虛
高深通造化瑣碎及蟲魚隻字留疑義空將四庫儲

婁縣續志

卷九

祠祀

二十八

靜勝居

世路行難盡幽居心易安罷參閒箸笠枯坐異蒲團
有意空中得無生定裏看寂寥方寸許殊覺海天寬
望月堤

一筇探夜色夾岸水冷冷兔魄昇清漢漁鐙淡遠汀
露溥千樹白星混九霄青本欲期人共難教醉夢醒
看竹處

啟戶延清爽幽然對此君一林湘水合半畝渭川分
節勁誰能並心空自不羣子猷如獲到相對忘斜曛
洗硯池

欲覓魚吞處林間水一方祇知能滌垢何意得含章

天入渾無象波迴覺有香淵源深莫測應有黑龍藏
狎鷗渚

機忘心不競最愛海連天我獨游惟此鷗羣到已先
泳游芳草外嬉笑野雲邊日暮情逾密波澄月又圓
落雁灘

水接平沙處聯翩集雁鴻只圖魂夢穩那計稻梁空
月襯蘆花白霜凝楓葉紅幽偏增繳遠不與上林同
聽松石

何年星隕此偏得近高松自聽生公法永辭秦帝封
苔斑蹲繡虎儔舞沸獰龍飲返無聲處跣趺倚夕鐘
小雲臺在西門外西新橋東同治年重修

婁縣續志

卷九

祠祀

二十九

三官堂在外館驛今大殿存餘屋俱圯

韋馱菴在西門外白龍潭北嘉慶廿五年王聯芳獨建
蓮花菴在白龍潭西北中有放生池大四五畝菴中設
立義學及恤嫠惜字諸善舉詳建置

欽善有蓮花庵雅集記

福菴在白龍潭西向係福建會館故名中祀天后西偏
構屋爲閩省客死者寓柩之所康熙年知府龔嶸就
菴北半里許地捐貲購田八畝有奇築普仁塔座之
黃中允之雋有記

瑞華閣在金沙灘一名放生臺今閣已圯

大乘菴在西門外秀甲園北

三乘菴在妙巖寺西北隅與寺隔一清河卽寺地也明崇禎間僧寂覺與徒照耀築堤構舍因寺之始創原名三乘卽以名其菴今清河已淤

貞靜菴在四十一保橫潦涇明都御史陸樹德女未嫁夫亡焚修於此吏部尙書張潮陸光祖有記

竹隱菴在附二圖宋建炎中建今存

雨華菴在放生橋北僧化儀建寺有古梅一株今萎

浙庵在附三圖康熙中知府魯超重修以棲浙人之寓者今爲甯紹會館

九蓮菴在東橫涇橋今廢菴 二里涇衆水口要道潮汐衝激岸屢圯明萬厯間設如來石幢以鎮之

婁縣續志

卷九

祠祀

三十

國朝康熙年里人卽以餘地建菴今圯

楞嚴菴在石湖塘西元謝伯理故居楊鍊厓觴詠處今古松猶存

六和菴在縣治東北十五里明萬厯間顧承學建并造菴前後諸橋承學好義無子沒卽葬於菴西

貝葉菴在楓涇鄉一保十二圖餘滙咸豐十年燬於兵同治十二年僧福全募貲重建

蓮臺菴在沈巷鎮北四面環水中蒔芙蕖前峙小亭石橋三折舊有文昌閣已廢明王三槐別業後捨爲寺乾隆三十一年重修里人程化龍朱袞任鏞讀書其中相繼登第置長生田十二畝

陸承祖重修蓮臺禪院記 雲間之地少山而多水
山則九點散列水則北有吳淞西有三泖再西則有
練湖薛澱而三泖則浮圖聳峙其中練湖則梵宇特
立其際皆騷人墨各所藉以遊目騁懷者也若夫地
僻徑幽而潛隱於不山不水之間者則有沈溪之蓮
臺創自前朝久爲古刹地不盈畝四面環池植蓮其
中宛似紫竹朝音故又稱小普陀池之上有石梁梁
之上則爲文昌閣當雨齊雲開萬景澄清之候一爲
登眺則茸城諸勝俱在望中誰謂不山不水之間不
足窮山水之樂耶第余所言者皆曩時故蹟自余辛
後一甓匏繫離桑梓十有餘年丙子歸里重訪其

地第見閣院傾頽榛莽充塞求其梵音繚繞花雨氤
氳已邈不可得退而與 社友商所以興復者皆
以工費爲難忽忽又數載乙酉秋上人自天台飛錫
至此遂低徊不能去曰此非凡境也豈可使一廢而
不復振哉於是矢願重修捨身廣募而布金者亦遂
接踵不數月而巍煥一新向所謂窮山水之樂者今
於是乎在乃爲之歌曰大泖之北孰起瑤臺慈航遠
渡飛駕蓬萊閱年旣久乃逢劫灰空林月照寶座塵
堆惟我上人來自天台憫茲傾圯鳩工庀材花宮爰
振香阜重開法中龍象天池永哉

華嚴菴在沈巷鎮後咸豐二年里人重修內有大榆樹

一株約二抱有餘菴田四畝在衣字圩內

祥通菴在楓涇鎮東高陽里內有呂祖殿咸豐十年燬於兵

法華菴在三十五六圖張王村光緒三年里人重修菴田十一畝在稱字圩內

福田菴在三十五六圖道光二十六年里人重建有屈字圩菴田九畝又有天慶菴同治十年重建有租田四畝

妙心菴在四十保十四圖菴基二畝有奇菴田二畝有奇菴後銀杏樹一株約有四圍大

慶菴在四十三保六圖錢家橋後同治年間改作陽

婁縣續志

卷九

祠祀

三十一

爺廟廟前立有免派濬碑記

碑記

夫徭役由來久矣然別區有荒熟卽係地之高低高者土腴而易植低者築圩而工繁故熟區有徵徭而於荒區則未之及我松婁邑四十三保六圖向列荒區例無徭役自經胥吏舞弊亦派業食佃力協濬河工嘉慶二十年八月十三日具呈松江府憲宋批諭該圖應否免派協濬仰婁縣確查具報奪碑摹附行蒙婁縣仇親稽荒熟之檔冊查照四比之章程申詳藩憲批諭該縣詳報四十三保六圖修竹圩岸免派協濬一案緣由仰松江府核飭註冊免派母任經胥

朦溷派擾致干未便繳碑摹存卽蒙縣頒告示禁免
協濟誠善舉也而董理其事之生員錢德魁錢德孚
監生錢寶琳農民王長州朱永吉張東成楊鑑明張
遇炎馬蘭元陸維成等謂卷雖存署工程遠大冊檔
可稽但慮日久弊滋爰於六圖之積慶菴請泐碑記
已奉准行乃倩華亭布衣李慶麟記其事而書之使
後覽者不特知成例之可循抑且見仁政之永久云
爾嘉慶二十一年十月公立

華嚴閣在倉七圖西橫涇橋同治年里人重修
康菴在倉七圖東橫涇橋之南今存

菴在西門外宋家橋西康熙年間僧生漪買吳氏

婁縣續志

卷九

祠祀

三十三

廢圃建僧性標撰 記

湛然菴在宋家橋西順治初 太常寺少卿吳廷揆有

記同治三年僧福本重

定光菴在楓涇鎮 景定中建

國朝沈伯廷重建顏其室曰來仲華亭沈獅峯書花梵

重瞻以贈

華亭徐穎柔八景詩

曲徑尋幽

去寺亦已遠尋幽到古林經過秧岸潤繚繞土垣深
小徑凝空翠鼓篋散少陰山房無犬吠直八叩禪心
激溪涵影

一灣西北至圓渚是泉源
汛綠迎新樹浮紅映早暎
波平疑有跡潮退渺無痕
悟得觀空法難從物象論

西樓夜雨

何處堪聽雨西樓夜寂寥
當窗橫白石隔壁種芭蕉
湖泝奔濤急轟騰驟馬驕
明朝開戶看休訝拍天潮
東林晚暉

桑榆迴照遠一片夕陽明
奪目行人眩搖光飛鳥驚
烟林偏爛漫雲目崢嶸
小立樓頭望欣茲向晚晴
鳥語深枝

平楚蒼然在羣飛旦夕過
緣人迹彌覺鳥聲多

父無矰繳禪林網羅樓託穩間弄當笙歌

婁縣續志

卷九

祠祀

三十四

螢流疎竹

前溪月未上竹裏看螢飛
點明還滅飄飄去復歸
隨風旋似舞著葉定相
眼拋書卷無囊貯爾輝

古殿月來

未眠當徙倚不見佛前燈
寂寞荒臺望團圞皓月升
星河微露影鳥鵲屢呼朋
清極招提鏡心同壺內冰
寒松風度

龍鱗殊未老馬鬣生寒濤
似橫波起音疑製曲彈

洗淘高士耳拂拭野人冠
坐聽堪終日悠然心自安
里人王之圻詩

可喜莊嚴古寺新已非昔日冷
荒榛兵戈定後開蓮

社鐘磬鳴時見上人徑繞紫藤花蔽日雲深綠竹鳥
鳴春白牛古蹟推祇樹選勝逃禪不厭頻

崇敬菴在一保九圖俗名斯和菴明嘉靖年建

國朝咸豐十年燬於 同治初年僧眞通重建

雲鷲菴在橫雲山上嘉慶十一年知縣孫 珏將菴內

田畝圩號逐一細開立案勒石

四十三保廿二圖澄效字圩號田山准共五畝二分

八厘八毫九 又五錢 地共五畝八分九厘八毫

西良字圩及西良高草字 內 田准田共十八畝

九分三毫七經西良高草 圩內草 上號田共四

分三毫七絲良草 字 內五錢上田共二十

婁縣續志

卷九

祠祀

三十五

二畝二分八厘西 低圩 五錢上田共九畝四

分九厘五毫過良高 字圩 共十畝一分七厘七毫

嚴家菴在泗涇鎮東張 四十三年里人秦鏡等

立有碑記

縣境諸菴前志所彙載者區別存廢開列於後

竹林菴在張家浜內 三味菴在花家涇

眞修菴在石湖塘 崇甯菴在靈濟橋

圓通菴在楓涇 長生菴在官紹塘

華嚴菴在南門外 拈花室在教場南

雲深菴在黃草地 普濟菴在普濟橋

進雲菴在進雲橋側 法雲菴在齋母堂東

半珠菴在十山南

大佛廠在倉七圖

藕溪菴在滬沙鎮

眞定菴在金洞橋

賈家菴在高家庫後

華嚴菴在下四圖

善慶菴在附三圖

永生菴在倉五圖

大樹菴在洞涇東

如意菴在倉城西

靜心菴在莊家浜

栖野菴在北俞塘

塵定菴在東新坊圖

甯壽菴在景家堰

以上俱圯

太平菴在大張涇

在雙廟

衣珠菴在登龍橋

現改

菴在西後

錢涇橋

三十七保十三圖

婁縣續志

卷九

祠祀

三十六

福菴在石湖

在包家橋

水龍菴在蕩涇口

菴在株橋南

三秀菴在六灣

菴在一保三圖

清修菴在石湖塘鎮

雲隱菴在五舍

普濟菴在石湖塘四市

廣慧菴在宅前村

慈悲菴在懸星涇北

永清菴在油車浜

送子菴在花園浜

中渡菴在四十保二十二圖

鳳棲菴在腰漣上

大士菴在曹家浜北

普光菴在四莊浜口

龍聚菴在洞涇

菴前銀杏兩株一毀於風

以上俱存

永鎮菴在楓涇鎮東柵

蓮錫菴在一保八圖

大方菴在一保十九圖 三乘菴在一保三穀浜

福敦菴在一保土地塘 鳳鳴菴在一保林家塘

無盡菴在一保四十九圖送子菴在三保二十三圖

普廣菴在三保廿六圖 花娘菴在四十一保廿圖

秀水菴在四十一保廿一圖 菴前古松一株約有三抱高數丈

莊涇菴在廿四圖 祇圓菴在四十圖

太平菴在六十一圖 永覺菴在六十七圖

永松菴在米市 年僧立山建造三楹

內立碑記云此菴向係 張氏建立自道光壬寅

至同治壬戌十 以致濟渡

之所

共

婁縣續志

卷九

祠祀

三十七

建此 名以

心壽菴在三十七

四十三保七圖

西來菴在四十三保八圖

觀音堂在錢涇橋東北

以上前志未載而今見諸冊報者因均非名蹟所

係故仿前志程式而彙載焉

婁縣續志卷九終